

坦菴大轉輪雜劇

邗上徐又陵填詞 廣陵吳蘭次評閱

第一折

生 上 蝶戀花 二十餘年心況，為着些兒苦被天

公 哄食盡書中千萬總，壽星誰是神仙種。搔首

問天天不，濁酒澆腸熱淚如泉湧。八萬四千毛

髮孔一聲長嘯，皆寒慄。小生覆姓司馬，名貌洛陽

人也。才通玄笈，學擅青箱。二函山頭時奮五丁之

力，三壬腹裡能兼諸子之長。十分抱負，九分詩筆。



下嘗驚鬼膽七尺身軀三尺劍匣中隱耀龍光可
奈大賈當朝小人竊位關門而開日中之市一人
只受金多持衡而受暮夜之貽三公不嫌銅臭趙
母張父還添個孔方為兄聖裔賢孫倒不如青蚨
有子咳我如今兩足盡削璞玉混腐鼠之名一股
既剖明珠等枯魚之目金生遊鮒尚歌彈鋏無魚
地鮮立雅室款脫囊有穎漫說道青錢萬選錦字
千金窮時懸九陌而無知飢來博一餐而莫許可
笑筆成精墨作崇經年是下手工夫妻啼飢子號

寒幾時是出頭日子正是眼邊紅雨何時霽足下
青雲甚日生咳我司馬貌終日奔波亂走再無發
跡之期如何是好

仙呂點絳脣生遊徧天涯十年獨跨青鬃馬何處吾
家遍地裡秋風刮

君論我胸中抱負真是前無古人後無學者可惜
生不逢辰教我窮廬空老

混江龍生我身軀不大却三墳五典盡通達論韜畧
孫吳讓座比風騷屈宋排衙人道是滄海常遺珠有

淚誰似俺藍田蚤種玉無瑕俺也曾論京房易竒而
法俺也曾訪韓嬰詩正而詭俺也曾問膠東春秋謹
嚴俺也曾砭賈逵左氏浮誇俺也曾白虎觀閒徵博
雅俺也曾卓玄亭獨逞才華俺也曾設絳幃譏評百
氏俺也曾燃青藜訂証諸家為甚麼貨王家討不得
君王價赤紫的由人棄擲莽自嗟呀

旦持燈上破壁春愁鳩喚雨寒牕夜見鼠窺燈相
公你家徒四壁竈突無烟終日守着這幾本破書
中甚麼用

油葫蘆生你是個不達人情女道家把男兒活怨煞

怎知我經天緯地好才華旦這書飢不可食寒不可

衣要他做甚生這書中自有千金價旦這筆跟了你

又沒有買賣帳上也是枉了生我筆尖兒待把珊瑚

架旦這等說你終日讀書那朝中人也該舉薦你做

官了生舉朝中人盡狂旦天也該可憐你生半空中

天更瞎旦阿彌陀佛我每這等窮苦還要罵天生休

道俺小書生輕口把天公罵他可也發付我十分差

旦天在人頭上無幽不察有甚麼差

識這機關
可以立證
善提

天下樂生您道是頭上青天沒甚差呀呀你聽咱若是我這身軀不應立帝家與蘇秦二頃田種東陵幾個瓜又要這聰明做甚麼

旦 難道天與你聰明不好生 咳娘子你那里曉得

若是得時顯達的上而以經濟匡時下而以文章傳世這聰明便有用若了若是終身阨塞生在這魑魅魍魎世上眼睜、看他不過反不如痴愚的倒好我不幸有了這聰明惹得不耐煩了

那叱令生 見豪華那此亂紛、眼花遇妖嬈那家艷

津：口誇對炎涼那答悶酥、體麻只為這聰明呵
釣愁腸海樣深惹怨氣天來大沒來由多少波查

旦 你看如今有才的都是駟馬 金章紫綬封

妻蔭子玉食錦衣何等富貴偏你今年說科明年說試到底只是個窮神怕還是你聰明不如學問未到

鵲踏枝生 您則會鬢堆鴉臉粧霞那知道錦繡心腸

珠玉英華 旦 既如此怎又不如人生 他個醉東方傾

翻了玉筍則俺這渴相如不賜杯茶

旦 你道上天無知發付你差了。你見自古及今，差
了那個生？我引幾個古人你聽。

寄生草 生 且莫說男兒漢，說幾個女俊。姓好班，姬受
不得團圓，怕美玉嬌改，不過丹青畫。孝文姬說不出
忠良話，你道是蒼天分付，沒爭差。怎紅顏到處難安
插。

旦 紅顏薄命自古云，然男子中却不曾見生。這個
一發多不勝數。

么篇 生 猛想起充腸肚，說來時費齒牙。太史公吃不

得刀鍼法，酒家傭掙不起文章架。我個老書生卜不
出功名卦，且休論前代。別人家則漢朝數出三司馬。

旦 你只管攀今吊古，我也不省得夜深了。相公可
睡？生 娘子請自安，便我還要看书。旦 相公沒錢買

燈油，少坐些罷。你看光通破壁匡衡，舍教我淚滴
寒梭。季子機 下生歎介 我正在此納悶，又撞着娘

子來，咕噪一番好生不快。不免將胸中不平之事
寫作一詩，聊舒憤恨。寫介 謂天至神，福善禍淫，爾

胡不鑒長此，佞人謂天至高，明德是昭。爾胡不鑒

君子嗷、罪維竊鈎竊國者侯祿彼成敗天實為
雖克舜殄嗣艘繇明裡職是之故天實為德嗟爾
蒼天昏德多穢我為天卿當易之位詩寫完不免
就燈燒去鬼神有知當雪余恨焚詩介鬼上跳接
下生一時周困倦了不意几少卧

煞尾生燈爆紙窓前被冷窮廬下生睡鬼上作聲介

生呀門外何處响門兒外料沒個高車駟馬鬼擲瓦

介生何處鴛鴦鴛鴦陸瓦送寒風喚醒棲鴉分明似鬼

怪作聲可笑可笑鬧喳喳、若是富貴兒家敢怕道天

曹陡降罰我個窮酸措大有幾般兒不怕若見了閻
羅天子呵揀則把登聞鼓敲幾千槓

睡穩介外扮太白星官引丑付扮千里眼順風耳

上小聖乃太白星主也只因下界儒生司馬貌作

詩罵天上帝着我領了千里眼順風耳二將各處

打招要捉拏他去問個明白來此是洛陽城了二

將你可見否丑付正在此破屋之下兀那一道怨

氣上衝天庭外與我拏下丑付捉生誦介生唱窮

酸三句衆押下

第二折

小生扮玉皇曰貼扮金童女持幢幡上集唐萬壽

南山對未央禁城春色曉蒼々九重閭闔開宮殿
一朶紅雲捧玉皇寡人聖平天主是也身長一里
衣重六銖位正中央掌三十三天之樞紐望隆西
土受八十八聖之皈依南斗北辰司人間之生死
東日西月明歲序之推遷吉凶順逆影響之報宜
然得喪興衰氣數之乘不偶正是但使一心行正
道自然天地不相虧適來下界狂生作詩嫚罵天

此謂嘻笑
怒罵皆成
文章

玉帝于此
亦當飲醉
求醉

法難容已着太白星官查來究問怎麼還不見來
末扮文昌星君上小聖文昌星主是也有事上奏
天庭不免俯伏伏介旦貼階下是何神道有事奏
末臣文昌星官啟陛下臣職司文墨錄掌功名
今天下士子不遵正法俱以賄賂取官文章一道
賤如泥土今臣無所司事誠恐曠職取罪惟願繳
上勅印退職閒居小生星官你不知道道文章盛衰
俱由運數卿可安心守職待世道昌明自然斯文
復作淨扮閻羅王上小聖地府第一殿秦廣王是

也有事上奏天庭不免俯伏伏介旦貼階下是何
神聖有事奏來淨臣冥司秦廣王啟陛下今地府
有疑獄數宗自漢初及今四百餘年未有定論臣
等不敢擅便惟望聖裁接疏上小生看介呀這幾
宗卷案沉閣已久也該發落了二卿平身咳天下
不平事甚多人都怨着上天豈知上天亦圓於氣
數

南呂一枝花小生我星辰列斗垣日月當空照風雷
施號令雨露布恩膏昊々天高受猥士狂夫笑聽孤

大轉輪

八

臣寡婦號有才的作賦吟騷弄法的申文上表

末淨請問人間善惡之報還是衆生自受還是上

天發付的

梁州第七 小生順風帆三天神聖假提壺十地功曹

看来是因緣自有因緣報淨也有作惡就受禍者小

生却是風催敗柳末也有作善就享福的小生却是

露浥天桃淨還有作善未見受福的小生却是含香

豈寇末也有作惡未見受禍的小生却是剝葉芭蕉

淨又有一等不願富貴只好清閒的小生却是唾衣

冠山水英豪裂旂常詩酒功勞末還有嬌妻美妾轉

自不快的小生那是金枷鎖籠鳥呼號淨還有家資

富足焦勞不已的小生那是玉籠頭耕牛沒草末還

有貴為宰輔役、不樂的小生那是錦貂鞍驛馬空

勞淨若說禍福皆人自招天地似為虛位小生因其

所作輕重平施配合因緣巧相遭會却又在我天高

聽高却虧心暗室都知道他做弄得巧我安排得妙

也只是五百年來第一遭劫數難逃

淨末人生萬事莫非天定人在世間當復何處生

純手元音
不肩淨
細响

活

隔尾 小生 倒不如白雲山裏埋丹竈 倒不如紅樹溪
頭挂酒瓢 拍手高歌舉頭嘯 訪桃源幾遭臥松風一
覺且落得靜掩柴門是非少

外丑 付解生 上 外 臣太白星官復命作詩狂生拘

到 小生 你是何處狂夫不知命數 輒敢怨謗上天

當得何罪

罵王郎 生 呀 却原來天宮也做的人間調 兩班兒喬
侍御一輩兒假英豪 逞威風全不尚斯文道 將一個

秀士家問一個罪人名加一個狂夫號

小生 你有甚不平敢如此妄言 生 不平麼儘有

感皇恩 生 數公卿市井兒 曹滿朝堂盡是鴟鷂明晃

晃戴紅纓白森、懸玉帶黃慘、挂金貂俺、可肩

隨周召伯仲蕭曹 怎當得身潦落情閨慘 鬢蕭騷

小生 小書生讀得幾卷書如此大口

採茶歌 生 我文林裡著風標詞壇上有功勞 您道俺

書生大口忒粧喬我其實讀書千萬卷到如今只有

屈原騷

點染俱佳

神興俱酣
情詞奏泊
應有神工
鬼斧

當今名士
何如

小生
不遇便當安貧樂道奈何器量褊淺一味怨天尤人生從來有才受窮的也有未必似俺

如此其極

牧羊闌生
點家口魚黃犬抖行裝沒黑貂子和妻抱

爨啼號空流了四壁蝸涎止喂得千箱蠹飽掩青苔

顏子巷酌白水許由沒掙閨黥妻被苦伶仃范叔

袍

小生
你便有些小才學性行如此也便不足重了

煞生
我其寔談經論史胎中俏作賦題詩骨裡騷也

是你天公生我性兒驕耐不住氣大心高看不過人
情世道因此上寫一幅陳情疏稿則待把沒告訴的
衷腸問絳霄誰承望激惱天曹

小生
書生狂妄當寡人面前尚敢如此大言列卿

當何法以處之
淨
臣啟陛下此生無狀觸忤天顏

待臣領去陰司問他個逆天大罪加些磴燒春磨

之刑
末
斯文一脉這也大過了待臣領去考他幾

篇文字若似如今世上一班假名士只消出幾個

難題閑防嚴緊了只怕他的苦楚還強似受地獄

大轉輪

士

之刑外依臣所見也不必問罪也不必考文只將
適終冥司所奏漢朝四百年疑獄着他斷明若果
係有才可免其罪不則再為究治亦未為遲小生
此奏最當即着太白星官領往地府假以冕服限
他六個時辰斷明大獄若少遲鈍即刻解來治罪
外應小生 衆下外生吊場

黃鍾尾生說得他一天星斗都顛倒則是我滿腹文
章耀九霄外至尊面前言辭還宜婉轉生擦一個失
這遭得那遭怎肯做有上稍沒下稍外若依秦廣王

所奏事不諧矣生好一個追命閻羅忒放刁外文昌
要考你可怕麼生虧煞那化解文昌秉公道外若依
天津罪在不赦生不曾見賜福天官降赦條向外拱
手介多蒙大人鼎力蚤則有解厄星君寫恩詔外此
去須努力生我待把四百年英魂定下招我待把五
百載因緣配的好外欵限六個時辰哩生我待把十
三天文卷一時繳我待把十八地沉寃一霎消不枉
了升天入地這逍遙暢好是一肚子牢騷都散了

第三折

扮鬼跳舞上判上捉鬼隨意評介判下官乃第一

殿掌案判官便是俺殿主因疑獄未決申奏天庭
不料玉皇大帝遣一個陽間秀才司馬貌來斷此
獄勅令冕服坐殿俺殿主分付我等准條文卷一
面押衆鬼魂伺候叫道猶未了新主升殿生冕服
上判鬼接介

般涉調耍孩兒生巧風吹鐵樹響颼、英雄氣十消

八九歎人生誰肯向死前休逞精靈弄盡風流少甚

庶春風紅袖嬌模樣都做了夜燒青燐冷骨頭到此際難消受看不盡么麼伎倆提不起大小骷髏

上帝命俺攝第一殿事斷明疑獄我想有甚難事沉悶這四百年也叫判官查文卷來看判取文通

介韓信告劉邦呂雉一宗彭越英布告劉邦一宗

戚氏告呂雉一宗項羽告項伯韓信陳

豨告屬下舍人一宗項羽告呂馬童等六人一宗

韓信告蕭何陳平一宗生笑介這些事我讀史時

已自明白有何難處叫第一起聽審鬼押韓侯漢

高祖呂后上生淮陰公謂何許告君后韓漢室江

山臣功強半兔死烏盡乃誣以叛逆夷我三族千

載而下誰不傷心望大王明察生劉季怎麼說劉

謀叛之事現有他舍人告書為証如何是証韓開

國功臣國家股肱乃聽信犯舍人讐口不加明

察輕用誅夷大典大王以為何如生笑介我知道

了功蓋天下者不賞威畧震王者身危淮陰公正

犯此了劉季呂氏焉能辭罪只是一件淮陰公你

一生害事只在望報二字曾記你登壇時即勸劉

從來未發
議論

視漂母與

圮上老人

一流真且

隻眼

詞能暢意

清復能助

詞妙妙

公以城邑封功臣彼鑒商周藩國之弊承暴秦郡
縣之餘割土封王寔所首忌故平定之後必欲剪
除爾曹方為安枕你所遇漂母曾說哀王孫而進
食豈望報乎此言正鍼汝病你却不能領會自及
于難便不如子房公之於圮上老人了韓大王高
論臣心折服

六煞生你才高委是高却知休不肯休空負了王孫
一飯藏機穀他倒有圮橋父老傳書意你不學下邳
兒即辟穀遊成迤迤做了個功高不賞恩集成讎

韓還有蕭何陳平并屬下舍人二宗在大王案下

統求判斷生這都不必問了我自有處請回聽候

一同發落韓下生叫第二起鬼押彭越英布上生

二公有何話說彭英天下未定之時臣輩左袒則

漢興右袒則楚勝漢王以高爵厚祿相招惟恐我

輩之不就及至事成乃魚罪誅夷加以俎醢報績

紀功固如是乎生此事我已知道二公與韓信同

其功故應與韓信同其罪當日徵兵會垓下俱不

肯往及彼用子房之計許以割地兵轍四集此二

一語動破

公得意之時乃漢王切齒之日也

五煞生 你氣如虹徧九州擁千鍾食萬牛英雄本色

是天生就怎知道東方割據非他意便說道南面稱

孤是爾謀問豪傑千年後更幾個貪鱗冒網愛餌吞

鉤

請回聽候一同發落 彭英下生 叫第三起 鬼解成

夫人上生 你為何告了呂雉 成 人彘之慘千古未

聞乞大王鑒察 劉季季款立汝子便起呂氏妬根

此劉季殺汝也自我看來豈獨你一人而趙王與

如此斷案
真能讀史
者

故受害亦皆劉季自貽伊戚

四煞生 他掃秦灰繫楚囚徧江山摠姓劉太平福不

肯閒消受先將他一朝將帥投湯鼎又把這幾個兒

孫賜獨鏹諸事誰之咎只因他貽謀不善呵埋伏下

空中巫蠱挑撥起暗室戈矛

我有處了外廂聽候發落叫第四起 成下鬼押項

羽項伯雍齒上生 項王堂、霸王為何仇此二臣

項 二人皆我親信臨難叛主致我殺身喪國情實

難容生 二人賣國罪無所逃但尔殺身喪國之由

豈真係此二醜漢王以百戰百
而興你以百戰
百勝而亡何也只緣他能堅忍你只所脆故一敗
塗地不能復起若論你才畧志量豈遂出漢王下
乎

三煞生 你逞威風霸楚州論人才第一流鴻門不殺
沛公人都道你失着此樣子兒也我道正此是英雄
器量豈機謀便落他人後只可惜你青鋒百煉迎頭
折不似他赤火千熬統指柔可恨後世論人只以成
敗端的是書生具一肚皮英雄成敗滿舌頭楚漢春

秋

項還有呂馬童等六人分屍報功一宗在大王案
下并求判斷生這也不必問了我自有處請起判
官去請韓彭英三位并戚氏上殿其餘鬼魂俱着
階下聽候發落判請四人上分付鬼魂應介生判
介漢家天下俱賴三公之力今將他疆土分與你
三人承守淮陰公到曹嵩家投胎改名曹操獨據
中原九江公到孫堅家投胎改名孫權撫御江東
大梁公到中山靖王家投胎改名劉備據有西南

大轉輪

半壁至於劉季呂雉仍着速轉。劉季復為獻
帝懦弱無能呂雉復為伏后後為曹操筮死以報
長樂鐘室之冤蕭何始而薦舉既而謀害着他轉
世改名楊修始以厚祿報其恩後以誅戮復其怨
陳平陰謀助惡着他轉世改名吉平因藥進鴆為
曹拷死屬下舍人誣告韓公陳豨皆致滅族着陳
豨轉世為陳宮舍人轉世為呂伯奢曹操同陳宮
殺其全家項王英氣不滅可到解梁闕家投名改
姓不改名扶助劉備項伯雍齒背君賣國轉世為

顏良文醜陣上為關公所斬呂馬童等六人貪功
碎屍着轉世為楊嵩蔡揚等六將為曹公把守五
閨皆為關公所殺戚氏無辜受禍速轉男身改名
華歆從事曹操擁兵入禁破壁取后以報前怨衆
拜謝介多謝大王俯雪沉寃但某等孤身難以立
國還求將相為輔主待我各撥幾個智勇之士助
你成功樊噲剛直不磨轉為張飛張子房神機運
籌轉為諸葛孔明陳餘轉為黃忠周勃轉為趙子
龍同輔劉備蒯通原屬意韓公轉為郭嘉周昌轉

為張遼灌嬰轉為許褚紀信轉左典韋張耳轉為
夏侯淵同輔曹操酈食其轉為周瑜范增轉為魯
肅宋義轉為呂蒙陸賈轉為陸遜夏侯嬰轉為黃
蓋同輔孫權虞美人臨危自盡節烈可風亦轉男
身改名周倉依、故主以成其志判斷已畢眾又

謝下介

二煞生數英雄一握籌點侯王注筆頭也是俺掌陰
司符篆此時候打破他壺中日月三千劫安排定鼎
足乾坤十二州快活也從今後把胞中憤懣一筆都

句

就将此卷案中奏天庭去也

煞尾生古今傀儡場一線兒提在手聽天門傳旨依

卿奏管教那說古話兒即笑破口

第四折

外上 適來司馬貌
斷明疑獄申奏天庭龍顏大喜
悉令依擬施行已將衆鬼魂各給本等服色下界
投胎一面着殿前金瓜將士執引魂旛將司馬貌
送歸陽世呀你看司馬公蚤則來也
扮二將持旛
引生上

雙調新水令 生 鈍書生無分拜君王却怎生筆尖頭
十分莽撞批文空地府抗疏忤天堂小可的施張三
界事盡停當

到底還罵
可謂上帝
直臣

相見介外先生恭喜奏疏一一依擬了生都賴大人保舉之力外先生請行小聖隨後即賚恩詔到了別下生咳些小事上天這般糊塗怪不得釀出恁般世界也

折桂令生小乾坤恁的行藏也不肯將日月煎磨放出光銼黃淹了地下英靈黑漫了人間法紀白占了天上網常恠不得傲莊周把浮漚亂講笑彌勒將布袋胡裝俺今日呵撥正陰陽刷淨風霜天眼重開世事康強

扮劉玄德關張諸葛上迎接介生是何神道衆某等劉玄德關雲長張翼德諸葛孔明是也奉玉帝勅旨往陽世受生這遇大駕特來奉迎生有勞諸公了

雁兒落生你莽功勞赴戰場渾博得隔世裡王侯像赤松子蚤遊到臥龍崗白帝子硬扭做飛熊將

衆前程路遠就此告別了生請行衆下

德勝令生呀你看他一個、氣昂威乘駿馬玉鞭揚一時間等不得前程路怎吃了四百年忽突湯君不

遇我司馬貌呵滄茫司天臺揔一簿葫蘆帳卽當轉
輪車何時大法幢

扮孫仲謀周魯陸上迎接介生是何神道衆某等

孫仲謀周瑜魯肅陸遜是也奉玉帝勅旨陽間受
生適遇大駕特此奉迎生有勞了

收江南生呀這一回撞天門主了大試場中幾個門

生天子到門牆將九州割派做三庄怕甚麼歲荒請
回罷衆應別下生九江公好興也呵拂天風猛一陣

御袍香

扮曹孟德郭張許上迎接介生是何神道衆某等

曹孟德張遼郭嘉許楮是也奉玉帝勅旨下界受
生聞大駕經過特來迎接生有勞了

沽美酒生看上你個曹大郎打扮的好模樣曹公曹

公此去須好生做也你知道循環天道不尋常再休
使機心魍魎渾瞞過日頭光

請回罷衆別下

太平令生不爭我向陰司銷帳倒與他陽世開荒掃
蕩却烟塵千丈托現出陽春一掌我呵安頓了吳王

警峭老辣
可空一世

魏王和西川蜀王呀好一似擺英雄在棋盤兒上

二將已到尊庭請自方便小將回覆天旨去也送

生 矧前睡介旦上 寒儒空搦衛天筆巧婦難成沒

米炊呀相公天明了還是這般靠桌而睡 生 驚醒

大笑介 呀娘子

清江引 生 我在閻羅殿中將印掌算多少隔年帳旦

不過是夢有何奇處 生 奇哩 驅王侯作徒兒鞭將相

如廝養旦 相公你只是這等妄言怕折了福 生 少頃

就有天使到了我有好處理旦 相公你失志落魄魄便

這胡思亂想只莫把心想偏了內鼓吹介 生 你聽這

仙樂盈空異香縹緲天使到了旦 望合掌介 生 方信

道散天花說來不是謊

外 捧詔上扮二趙王燕太子丹荆軻田光高漸離

樊於期同上 王旨下跪听宣讀 生 旦跪介 外 玉帝

詔曰馨聞乃眷知天命之靡常德至斯乎感民彝

之攸叙爾司馬貌斷明大獄才寔可嘉悉着依擬

施行但以臣叛君不可為訓即將司馬貌轉世改

名司馬懿并收三國一統稱尊以申才高久壽之

閱全傳知
坦蒼筆力
健老氣韵
沉雄一切
綺靡纖麗
皆所不屑

氣其妻吳氏齏鹽甘守仍命轉世配為夫婦正
中宮二趙王無辜被害情實可矜賜汝為子一名
司馬師一名司馬昭燕太子丹英畧蓋世事雖未
成志不可磨賜汝為孫改名司馬炎其荆軻田光
高漸離樊於期皆一時義烈之士志猶未申俱賜
為佐命元臣荆軻改名羊祐田光改名張尋高漸
離改名杜預樊於期改名王濬即着同往受生共
享富貴欽哉謝恩生旦謝起換帝后冠服趙王等
參見拜介

離亭宴煞
衆硬頭顱死向天街撞窮骨頭生改做王
侯相這底勾當從來只是書生莽前後事新花樣識
破何須妄想且將這四百年好英雄編一本彈詞兒
和你講

一首詩直送上九天門
十閻君斷不明七件事
六時辰陡雪了百年冤
兩漢書翻出本三國志



國家圖書館, NATIONAL CENTRAL LIBRARY, TAIWAN, R.O.C.